

## SUMÁRIO

**Antes ordem do dia** — Sr. Presidente lóke sessão plenária iha tuku 10 liu minuto 3 no halo leitura ba agenda trabalho iha período ordem do dia ho ordem do dia.

Sr. Manuel de Castro Pereira (FRETILIN), iha intervenção diversa, questiona construção edifício PDHJ (Provedoria dos Direitos Humanos e Justiça), merenda escolar ba escola privada sira, assistência ba ema kbiit laek sira ne'ebé la realiza no condição estrada ne'ebé liga Lolilubo ho Ostico.

Sr.<sup>a</sup> Virgínia Ana Belo (CNRT), iha intervenção diversa, hussu ba Governo atu prepara fatin especial no halo lei ida ba labarik ho ema moras mental sira ne'ebé halo crime. Nia hussu mós atu equipa censos nian halo mós serviço iha kalan ba família sira ne'ebé serviço iha loron no questiona mós kona-ba lixo ne'ebé namkari iha Largo de Lcidere.

Sr.<sup>a</sup> Josefa Álvares Pereira Soares (FRETILIN) hussu atu investiga CONECTIL (Conselho Nacional Educação Católica Timor-Leste ho Ministério da Educação ba atraso concessão escolar ho merenda escolar. Hussu mós ba Ministério competente atu controla ema sira ne'ebé fa'an sassán iha ponte leten no estrada ninin.

Sr. Pedro dos Mártires da Costa (CNRT), iha intervenção diversa, hussu ba Governo atu resolve construção edifício ba PDHJ.

Sr. Osório Florindo da Conceição Costa (FRETILIN), iha intervenção diversa, questiona questionário censos nian ne'ebé prepara hussu Direção Nacional de Estatística.

Sr. Virgílio da Costa Hornai (PD), iha intervenção diversa, preocupa ho sanção ne'ebé Serviço de Migração de Timor-Leste aplica ba imigrante sira hodi selu em dinheiro no hussu atu fó atenção ba funcionário RTTL (Rádio e Televisão de Timor-Leste) sira.

Sr.<sup>a</sup> Anastácia da Costa Amaral (FRETILIN), iha intervenção diversa, hussu ba Governo kona-ba critério saída mak usa hodi halo recrutamento ba administrador sira. Nia mós hussu ba órgão executivo ne'e atu hadi'a ponte iha Laleia ho Buanurak.

Sr.<sup>a</sup> Bendita Moniz Magno (CNRT) hussu ba Governo atu hadi'a condição Hospital Referência Baucau nian no preocupa ba salário ne'ebé entrevistador censos sira simu.

Sr. Eládio António Faculto de Jesus (FRETILIN) preocupa ho ONG (Organização Não-Governamental) sira ne'ebé halo ataque liuhossi critica membro Governo ho Deputado sira, Deputado ne'e mós hussu ba Sr. Vice-Ministro das Obras Públicas, Transportes e Comunicações II (Inácio Moreira) atu halo avaliação ba agência viagem nian sira ne'ebé halo operação iha Timor-Leste. Iklusliu, nia lamenta ho hahalok estudante ne'ebé halo violência física hassoru professor sira.

Sr. Francisco Miranda Branco (FRETILIN) condena maka'as hahalok aluno nian ne'ebé prática ação violenta hassoru professor sira.

Sr.<sup>a</sup> Olinda Morais (PD) informa katak iha aluno ida ne'ebé halo violência física hassoru professora iha Escola Secundária Finantil.

Sr. Antoninho Bianco (FRETILIN) halo crítica ba Mesa kona-ba ordem sequencial ba Deputado sira ne'ebé foti liman atu halo intervenção no hussu atu prolonga tan horas ba debate iha Plenário tanba haree ba loron ikus sessão legislativa nian ne'ebé iha assunto barak atu hato'o.

Sr. Felisberto Monteiro (FRETILIN), iha intervenção diversa, hussu ba Ministério da Saúde atu harii clínica ba comunidade sira iha parte Bibileo, Viqueque nian. Nia hato'o katak irrigação natar nian iha Buburlaran ho Miauain qualidade la iha, no comunidade ne'ebá mós hadau malu natar. Iklusliu, nia louva mós companhia Dom Boaventura no Terra Bulak ne'ebé hadi'a estrada ba comunidade ne'ebá, maibé hussu mós atu dada tan eletricidade ba sira.

Sr.<sup>a</sup> Secretária de Estado dos Assuntos Parlamentares (Maria Teresinha Viegas) hatán ba Sr. Deputado sira-nia preocupação kona-ba concessão escolar.

Sr. Virgílio da Costa Hornai (PD) hussu ba Ministério das Finanças atu apresenta lista kona-ba taxa Estado nian.

Sr.<sup>a</sup> Secretária de Estado dos Assuntos Parlamentares (Maria Teresinha Viegas) hatán ba Sr. Deputado Virgílio da Costa Hornai nia preocupação kona-ba taxa Estado nian.

**Ordem do dia** — Sr. Presidente hahú iha tuku 11 liu minuto 8 dadeer, convida Sr. Deputado sira atu discute hodi halo votação ba Projeto de Resolução do Parlamento Nacional n.º /III (3.<sup>a</sup>) — Regime da edição e publicação do *Jornal do Parlamento Nacional*.

Parlamento Nacional hala'o debate kona-ba votação ba Projeto de Resolução do Parlamento Nacional n.º23/III (3.<sup>a</sup>) — Regime da edição e publicação do *Jornal do Parlamento Nacional*. Sr. Deputado sira ne'ebé intervém maka Sr.<sup>a</sup> Brígida Antónia Coreia (CNRT), Sr. Osório Florindo da Conceição Costa (FRETILIN), Sr.<sup>a</sup> Angelina Machado de Jesus (PD) nu'udar proponente ba Projeto de Resolução do Parlamento Nacional n.º /III (3.<sup>a</sup>) — Regime da edição e publicação do *Jornal do Parlamento Nacional*, Sr. Aniceto Longuinhos Guterres Lopes (FRETILIN), Sr. Eduardo de Deus Barreto (CNRT), Sr.<sup>a</sup> Josefa Álvares Pereira Soares (FRETILIN), Paulino Monteiro Soares Babo (PD), Sr. César Valente de Jesus «Piloto» (CNRT), Sr. Eládio António Faculto de Jesus (FRETILIN), Sr. Duarte Nunes, Sr. Arão Noé de Jesus Amaral no Sr. Pedro dos Mártires da Costa (CNRT), Sr. Joaquim dos Santos (FRETILIN). Sr. Osório Florindo da Conceição Costa nu'udar proponente ba Projeto de Resolução n.º 23/III (3.<sup>a</sup>) — Regime de edição e publicação do *Jornal do Parlamento Nacional* hatán pergunta sira ne'ebé Sr. Deputado sira hussu. Sr. Secretário-Geral interino (Adelino Afonso de Jesus) hatán mós ba Sr. Deputado sira-nia pergunta, no ikusmai aprovado.

Sr. Presidente interrompe sessão plenária iha tuku 12 liu minuto 53.

Retoma sessão plenária iha tuku 16 liu minuto 29.

Parlamento Nacional hala'o debate kona-ba votação ba Proposta de Resolução do Parlamento Nacional n.º15 /III (3.<sup>a</sup>) — Aprova acordo entre República Democrática de Timor-Leste e a União Europeia sobre a isenção de visto para as estadas de curta duração. Sr. Deputado sira ne'ebé intervém maka Virgínia Ana Belo (CNRT), Aniceto Longuinhos Guterres Lopes (FRETILIN), Pedro dos Mártires da Costa (CNRT), Eládio António Faculto de Jesus (FRETILIN), Duarte Nunes (CNRT), Jacinta Abucáu Pereira (PD), Domingas Alves da Silva «Bilou-Mali» (CNRT), David Dias Ximenes no Joaquim dos Santos (FRETILIN) no Sr. Arão Noé de Jesus Amaral (CNRT). Sr.

Vice-Ministro dos Negócios Estrangeiros (Roberto Sarmento de Oliveira Soares) hatán ba Sr. Deputado sira-nia pergunta, no ikusmai aprovado.

Parlamento Nacional hala'o debate kona-ba votação ba Proposta de Resolução do Parlamento Nacional n.º14 /III (3.ª) — Aprova o acordo de cooperação entre a República Portuguesa e a República Democrática de Timor-Leste, visando a criação da Escola Portuguesa de Díli. Sr. Deputado sira ne'ebé halo intervenção maka Joaquim dos Santos no Osório Florindo da Conceição Costa (FRETILIN). Sr. Vice-Ministro dos Negócios Estrangeiros e Cooperação (Roberto Sarmento de Oliveira Soares) hatán ba Sr. Deputado sira-nia pergunta no ikusmai aprovado. Sr. Presidente taka sessão plenária iha tuku 6 liu minuto 49 loraiik.

---

## JPN – I SÉRIE–A – AR (22-07-2015) – Comissão Permanente

### SUMÁRIO

**Antes ordem do dia** — Sr. Presidente loke sessão plenária iha tuku 10 liu minuto 34 dadeer.

Sr. Presidente avisa ba Sr. Deputado sira katak iha envelope fiscal Parlamento nian iha tinan 2016 sei hamenos viagem ba estrangeiro.

Sr. Adriano João (PD) lamenta tebes ho notícia iha jornal *STL (Suara Timor Lorosae)* ne'ebé difama fali Sr. Deputado balu iha Parlamento Nacional.

Sr. Aniceto Longuinhos Guterres Lopes (FRETILIN) hussu ba Secretário de Estado da Comunicação Social atu chama atenção ba meios comunicação social sira ne'ebé serviço la profissional. Nia mós lamenta ho operação COC (Comando da Operação Conjunta) ne'ebé la fó sai nia resultado operação ba Parlamento Nacional no ba declaração Brigadeiro-General Filomeno Paixão nian ne'ebé hamossu descontentamento. Deputado ne'e hatutan tan katak mossu falsificação documento ba subsídio terceira idade nian iha Posto Administrativo Maliana.

Sr. Presidente declara katak relaciona ho operação COC nian, Parlamento Nacional sei halo contestação no sei convida mós Ministro competente atu hatán iha Parlamento Nacional.

Sr. Duarte Nunes (CNRT), liga ba questão operação COC, hussu atu Ministério competente hatán iha Parlamento Nacional, e hussu mós ba Governo atu fó recompensa ba comunidade ne'ebé fó ona rai iha Vila Verde hodi loke estrada.

Sr.ª Josefa Álvares Pereira Soares (FRETILIN) lamenta ho SEPI (Secretaria de Estado da Promoção da Igualdade) nia relatório ne'ebé halo fali observação indireta. Nia hussu atu iha tinan 2016 usa ossan Fundo Transferência nian ne'e ho loloos. Deputada ne'e lamenta tebes ho Administrador Posto Administrativo Remexio ne'ebé halo promessa falsa ba comunidade sira no ikusliu nia hussu ba editor mídia, liuliu jornal sira atu revê didi'ak notícia sira molok fó sai.

Sr. Francisco da Costa (CNRT) lamenta tebes ho fa'an carreta iha Lecidere no mós comandante operação COC nia declaração ne'ebé dehan katak hetan tiha ona autor crime maibé la kaer. Tuirmai, nia recomenda atu iha futuro membro hussu Bancada ne'ebé ki'ik la bele envolve iha Comissão rua ka tolu.

Sr. Presidente dehan katak assunto kona-ba operação conjunta ne'e sensível, tan ne'e Parlamento Nacional tem que halo contestação.

Sr. Joaquim dos Santos (FRETILIN) secunda Deputado Aniceto Guterres nia intervenção ne'ebé hussu atu poupa ossan. Nia hussu atu halo audiência ho Governo kona-ba operação COC no hussu mós ba Comissão C atu fiscaliza gestão orçamento iha RTTL (Rádio e Televisão de Timor-Leste). Ikusliu, Deputado ne'e hussu ba Comissão competente atu trata assunto kona-ba recolha ba herói sira-nia ruin iha Metinaro hodi tau iha fatin desonrado.

Sr. Felisberto Monteiro Guterres (FRETILIN) questiona kona-ba povo ne'ebé halerik ba bee moos. Nia hussu ba Ministro de Estado, Coordenador dos Assuntos Económicos e Ministro da Agricultura e Pescas atu continua acompanha grupo sira ne'ebé hetan ajuda hussu Estado no controla trator ne'ebé fahe ba grupo agricultor sira.

Sr. Arão Noé de Jesus Amaral (CNRT) hussu ba Secretário de Estado da Comunicação Social atu haree RTTL nia estatuto financeiro no administração. Nia hato'o mós kona-ba diferença cidadania nian entre Indonésia no Timor-Leste e ikus hussu atu Ministério competente verifica resultado construção irrigação Betano nian.

Sr.ª Ana da Conceição Ribeiro (FRETILIN) hussu ba Governo atu acompanha nafatin grupo sira ne'ebé hetan ajuda no acelera construção Hospital Referência Baucau nian.

Sr. Secretário de Estado dos Assuntos Parlamentares interino (Nélio Isaac Sarmento) hatán ba pergunta ne'ebé hato'o hussu Sr. Joaquim dos Santos (FRETILIN), Sr. Arão Noé de Jesus Amaral (CNRT) no Sr.ª Ana da Conceição Ribeiro (FRETILIN).

Sr. Presidente fó hanoin kona-ba plano Estado nian atu halo desluto nacional, nune'e hamossu discussão naruk hussu Sr. Deputado sira mak hanessan: Sr.ª Domingas Alves da Silva «Bilou-Mali» (CNRT), Sr. Aniceto Longuinhos Guterres Lopes (FRETILIN), Sr. Vice-Presidente (Adriano do Nascimento) ne'ebé fó mós explicação kona-ba objetivo hussu desluto nacional ne'e no ikusliu, Sr. Aurélio Freitas Ribeiro (FRETILIN).

**Ordem do dia** — Parlamento Nacional hala'o debate ba votação hodi apresenta lista candidato ba Secretário Comissão Permanente maka Sr. Deputado Arão Noé de Jesus Amaral (CNRT) no Sr. Deputado Adriano João (PD) nu'udar Vice-Secretário. No halo mós calendarização ba reunião Comissão Permanente nian. Sr. Deputado sira ne'ebé halo intervenção maka Sr.ª Domingas Alves da Silva «Bilou-Mali» (CNRT), Sr. Aniceto Longuinhos Guterres Lopes (FRETILIN), Sr. Adriano João (PD), Sr. Joaquim dos Santos (FRETILIN), Sr. Duarte Nunes no Sr. Arão Noé de Jesus Amaral (CNRT) no ikusmai aprovado.

Sr. Presidente taka sessão plenária iha tuku 1 liu minuto 17 lokraik.

---

## JPN – I SÉRIE–A – AR (04-08-2015) – Comissão Permanente

### SUMÁRIO

Sr. Presidente loke sessão plenária iha tuku 10 liu minuto 24 dadeer no halo leitura ba agenda de trabalho. Hafoin ne'e halo execução ba hino nacional «Pátria».

Sr. Secretário da Mesa Comissão Permanente (Arão Noé de Jesus Amaral) halo leitura ba carta substituição membro Comissão Permanente nian hussi Bancada CNRT no Voto de Pesar n.º 2/X/2015— Pelo passamento físico do Dr. Fernando La Sama de Araújo aprovada pela Assembleia Nacional de São Tomé e Príncipe.

Iha intervenção diversa sira:

Sr. Francisco da Costa (CNRT) critica Diretor Associação HAK ne'ebé considera Deputado sira la serviço ho seriedade hodi halo discussão ba lei sira.

Sr. Adriano do Nascimento (PD) hussu ba Governo atu fornece BoQ (Bill of Quantity) contrato no hussi projeto construção Aeroporto Suai nian.

Sr. Antoninho Bianco (FRETILIN) lamenta ho decisão ne'ebé Comissão da Função Pública hassai hodi suspende funcionário Parlamento Nacional balu no preocupa ho qualidade projeto sira ne'ebé hala'o iha rai-laran.

Sr. Jorge da Conceição Teme (FRENTI-MUDANÇA) hussu ba Governo atu fó apoio financiamento ba clínica ne'ebé halo operação matan iha Timor-Leste no tau matan ba ai-horis sira ne'ebé oferece hussi Indonésia.

Sr.ª Brígida Antónia Correia (CNRT) hussu ba Governo atu canaliza bee moos ba povo sira iha Vemasse no SEPFOPE atu fó formação ba jovem sira kona-ba halo tijolo.

Sr.ª Ana da Conceição Ribeiro (FRETILIN) hussu ba Governo atu hadi'a irrigação iha Seiçal no estrada ba Buibau.

Sr.ª Domingas Alves da Silva «Bilou-Mali» (CNRT) hussu ba Governo atu haree canalização bee moos no electricidade iha Uatulári ne'ebé povo seidauk hetan acesso ba.

Sr. Felisberto Monteiro (FRETILIN) hussu ba Governo atu hadi'a irrigação iha Badamori (Venilale) no halo tratamento ba Jardim dos Heróis iha Metinaro.

Sr. Duarte Nunes (CNRT) hussu Governo atu tau residência ba professor sira ne'ebé serviço dook hussi família.

Sr.ª Maria Rosa da Câmara «Bi Soi» (CNRT) questiona kona-ba falta bee moos iha mercado Taibéssi no mós iha Fatuahi, hussu ba Governo atu hadi'a estrada iha parte Paróquia Bedois, e ikusliu preocupa tebes ho cortes ba pulsa electricidade nian.

Sr.ª Secretária de Estado dos Assuntos Parlamentares (Maria Teresinha Viegas) hatán ba preocupação hussi Sr. Deputado sira-ne'e: Adriano do Nascimento (PD), Antoninho Bianco, Ana da Conceição Ribeiro, Felisberto Monteiro Guterres (FRETILIN), Jorge da Conceição Teme (FRENTI-MUDANÇA), Maria Rosa da Câmara «Bi Soi», Domingas Alves da Silva «Bilou-Mali» (CNRT). Tuirmai, nia informa no convida Sr. Deputado sira atu participa iha reunião ida ne'ebé sei hala'o ho Sr. Vice-Ministro das Finanças.

Sr. Presidente hatán ba preocupação Sr. Deputado Felisberto Monteiro Guterres nian kona-ba painéis solares hodi hussu atu comunidade bele simu no usa nafatin painéis solares 50 ne'ebé Governo oferece. Ikusliu, avisa ba Deputado sira katak iha loron tuirmai sei realiza sessão plenária fechada.

Sr. Presidente taka sessão plenária iha tuku 11 liu minuto 44 dadeer.

---

## JPN – I SÉRIE–A – AR (18-08-2015) – Comissão Permanente

### SUMÁRIO

Sr. Presidente loke sessão plenária iha tuku 1 liu minuto 15 lokraik no hato'o kona-ba substituição ba Deputado sira iha Comissão Permanente.

Parlamento Nacional hala'o leitura no debate ba votação Voto n.º12/2015 — De Pesar pela morte do Deputado José da Silva Panão "Fó Laran". Deputado sira ne'ebé halo intervenção maka Sr.ª Maria Rosa da Câmara «Bi Soi» no Sr. Eduardo de Deus Barreto «Dusae» (CNRT) no ikusmai aprovado.

Tuirmai Parlamento Nacional mós hala'o leitura no votação ba carta hussi Presidente da República kona-ba pedido autorização hodi visita República Popular China no Japão, ikusmai aprovado.

Tuir kedas halo sessão solene hodi fó homenagem ba Saudoso Deputado José da Silva Panão «Fó Laran».

*Sessão solene hodi fó homenagem ba memória Saudoso Deputado José da Silva Panão «Fó Laran» mak hanessan tuir mai ne'e:*

Urna Sr. Deputado José da Silva Panão «Fó Laran» nian to'o iha recinto Parlamento Nacional iha tuku 1 liu minuto 36 lokraik no leba hussi Polícia Nacional de Timor-Leste. Bainhira to'o, simu hussi Sr. Secretário-Geral, Mateus Ximenes Belo, no Chefe Protocolo Parlamento Nacional nian hodi acompanha, ao mesmo tempo toca mós música «Il Silenzio» hodi lori mate-issin tama ba Sala Plenária.

Sr. Presidente declara aberta sessão solene iha tuku liu minuto 42 lokraik.

Sessão solene ne'e preside hussi Sr Presidente Parlamento Nacional, Vicente da Silva Guterres, no presente mós Sr. Vice-Presidente Adérito, Hugo da Costa, ho Deputado sira hussi Partido sira ne'ebé hetan assento iha Parlamento Nacional. Marca presença mós hussi Sr. Primeiro-Ministro, Rui Maria de Araújo, ho membro Governo VI Governo Constitucional nian, Sr Presidente Partido CNRT, Kay Rala Xanana Gusmão, Sr. Secretário-Geral Partido CNRT, Dionísio Babo, família enlutada no funcionário Parlamento Nacional tomak.

Deputado representante partido ida-idak nian hussi Bancada haat - FRENTI-MUDANÇA, Sr. Jorge da Conceição Teme, PD, Sr.ª Maria Lurdes de Sousa Bessa, FRETILIN, Sr. Francisco Miranda Branco, no CNRT, Sr. Eduardo de Deus Barreto «Dusae» - hato'o sentidos pêsames ba faluk, oan-kiak, família, partido CNRT no Parlamento Nacional rassik.

Depois, Sr. Vice-Presidente Adérito Hugo da Costa, halo leitura ba voto de pesar Parlamento Nacional nian ba Sr. José da Silva Panão «Fó Laran».

Tuirmai, Sr. Presidente hussu ba hotu-hotu atu hamriik hodi halo um minuto de silêncio, tuir kedas halo execução ba hino nacional «Pátria».

Ikusliu, Deputado sira, membro Governo sira, funcionário no assessor sira Parlamento Nacional nian hakat ba oin hodi hato'o sira-nia homenagem ikus ba mate-issin, Sr. Deputado José da Silva Panão «Fó Laran».

Sr. Presidente encerra sessão solene iha tuku 2 liu minuto 45 lokraik.

---

## JPN – I SÉRIE–A – AR (01-09-2015) – Comissão

### Permanente

### SUMÁRIO

Sr. Presidente loke sessão plenária iha tuku 10 liu minuto 13 dadeer no halo leitura ba agenda de trabalho. Liutiha ne'e, halo execução ba hino nacional «Pátria».

Iha sessão plenária ne'e Secretário da Mesa da Comissão Permanente, Sr. Adriano João (PD) halo leitura ba carta substituição ba membro Comissão Permanente hussi Bancada Parlamentar CNRT no FRETILIN.

Tuirmai, Sr. Presidente halo leitura ba carta hussi Presidente da República kona-ba alteração agenda visita nian ba República Popular da China.

Iha intervenção diversa sira: Sr. Eládio António Faculto de Jesus (FRETILIN) critica membro Parlamento Indonésia nian ida ne'ebé halo crítica ba presença Primeiro-Ministro Timor Leste nian iha edificio DPR (*Dewan Perwakilan Rakyat*) tanba taka escada *lift* nian. Nia hussu ba Ministério do Comércio, Indústria e Ambiente atu halo avaliação ba importação foos hussi Tailândia ne'ebé qualidade la iha, ba CAC atu investiga kona-ba sossa ró ambulância ba ilha Atauro ne'ebé aat no abandonada hela, ba Sr. Vice-Ministro das Obras Públicas Transportes e Comunicações ne'ebé tutela eletricidade atu haree fio eletricidade nian ne'ebé tabelo arbiru iha Díli laran, e ikusliu ba Governo atu tau matan ba membro F-FDTL no PNTL sira-nia saúde.

Sr. Francisco da Costa (CNRT) hussu ba VI Governo Constitucional atu halo uma ba membro F-FDTL na'in-26 ne'ebé hetan ona reforma, lamenta ho VI Governo Constitucional ne'ebé halakon subsídio no ko'a salário funcionário ki'ik Ministério Saúde nian no lamenta mós ba ato Governo nian ne'ebé la fó importância ba Parlamento Nacional nia fiscalização.

Sr.ª Maria Rosa da Câmara «Bi Soi» (CNRT) critica Governo ne'ebé la tau microfone iha cerimónia 20 de agosto iha Jardim dos Heróis. Deputado ne'e mós questiona kona-ba conteúdo no qualidade cartão ne'ebé fahé ba veterano desmobilizado sira. Ikusliu, nia hussu atu taa tiha ai-daak hun ida iha Caicoli nian ne'ebé comunidade tara labarik nia ka'an iha-ne'ebá no fó impacto ba saúde pública.

Sr. Jacinto Viegas Vicente «Roque» (CNRT) questiona conteúdo cartão ba veterano desmobilizado sira ne'ebé la iha assinatura no falta microfone ba cerimónia iha Jardim dos Heróis, Metinaro. Nia lamenta mós ba acompanhamento serviço Polícia Trânsito nian bainhira veterano internacional sira atu sai ba kari ai-funan iha Jardim dos Heróis no mós ba chinês sira ne'ebé la valoriza loran boot Timor-Leste nian. Ikusliu, nia clarifica nia estatuto hanessan Deputado substituto iha Comissão Permanente.

Sr.ª Domingas Alves da Silva «Bilou-Mali» (CNRT) hussu ba Governo atu harmoniza lei tabela salarial nian, critica comissão organizadora ba cerimonia 20 de agosto nian ne'ebé desorganizado, sugere atu iha cerimonia 20 de agosto ba tinan 40 FALINTIL nian, figura referência hanessan Xanana Gusmão mak halo revista ba parada militar no halo discurso, hussu ba Governo atu halo uma ba membro F-FDTL hamutuk na'in-26 ne'ebé reformado no investiga ema ne'ebé halo cartão ba veteranos sira sem assinatura.

Sr.ª Josefa Álvares Pereira Soares (FRETILIN) hussu ba autoridade reguladora telecomunicação nian atu toma atenção ba operador telecomunicação ne'ebé viola fali cliente sira-nia direito hodi halo interceção ba número telemóvel ba sira-nia interesse privado, lamenta tebes sinais trânsito iha estrada Balibó nian ne'ebé ema sobu hotu no mós motorista sira iha Díli laran ne'ebé la respeita sinal trânsito nian sira.

Sr. Francisco de Andrade (FRETILIN) hussu atu Governo halo investigação ba Ministro competente ne'ebé sossa foos la ho qualidade iha Tailândia, lamenta tebes ho qualidade ró foun ne'ebé Governo sossa tanba ne'e usa la kleur aat ona, hussu mós atu chama atenção ba técnico hussi companhia ida ne'ebé halo tijolo usa rai ne'ebé la liu hussi teste iha laboratório, apela ba Ministro competente atu investiga ema ne'ebé halo manipulação ba idoso sira iha Posto Administrativo Zumalai bainhira atu simu ossan terceira idade nian, hussu clarificação ba Governo kona-ba informação ne'ebé mossu katak ex-Ministra Emília Pires nu'udar assessora iha Ministério das Finanças no hetan vencimento boot. Ikusliu, nia hussu ba Ministério competente atu tau atenção ba companhia ne'ebé halo estrada hussi Zumalai ba Suai ne'ebé la iha qualidade.

Sr. Manuel Salsinha (CNRT) agradece ba Governo tanba hadi'a ona estrada iha parte rai-klaran, liuliu direção Lahane-Remexio no Aileu-Maubisse, maibé hussu nafatin atu tinan 2016 bele hadi'a tan estrada ho direção Aileu-Lalan ba Hatu-Builico.

Sr. Presidente (Adriano do Nascimento) hussu ba Governo atu averigua qualidade tijolo ne'ebé produz hussi companhia sira, sugere atu halo cartão ba veterano sira ho qualidade ne'ebé di'ak, ba Parlamento atu iha discussão Orçamento Geral do Estado de 2016 prevé orçamento ba membro F-FDTL na'in-26 ne'ebé reforma ona ne'e, hussu ba Governo atu explica kona-ba construção Aeroporto Suai ne'ebé halo iha parte balu de'it e ikusliu desafia Comissão F atu fiscaliza construção Aeroporto ne'e ne'ebé halo ho montante 68 milhões de dólares.

Ikusmai, Sr.<sup>a</sup> Secretária de Estado dos Assuntos Parlamentares (Maria Teresinha Viegas) hatán ba preocupação Deputado sira mak hanessan: Sr. Eládio António Faculto de Jesus no Sr. Joaquim dos Santos (FRETILIN), Sr. Manuel Salsinha, Sr. Francisco da Costa, Sr.<sup>a</sup> Maria Rosa da Câmara «Bi Soi», Sr. Jacinto Viegas Vicente «Roque» no Sr.<sup>a</sup> Domingas Alves da Silva «Bilou-Mali» (CNRT) no Presidente Mesa rassistik, Sr. Adriano do Nascimento (PD).

Sr. Presidente taka sessão plenária iha tuku 11 liu minuto 42 dadeer.

---

## JPN – I SÉRIE–A – N.º 6 (2014.....)

### SUMÁRIO

---

## JPN – I SÉRIE – N.º 7 (2014.....)

### SUMÁRIO

---

## JPN – I SÉRIE – [N.º 8](#) (2014.10.08)

### SUMÁRIO

O Sr. Presidente (Adérito Hugo da Costa) declarou aberta a sessão às 9 horas e 45 minutos.

Após a leitura do relatório da visita de fiscalização ao distrito de Oecússi Ambeno efetuada pela Comissão de Infraestruturas, Transportes e Comunicações de 14 a 17 de maio de 2014 pelo Deputado Paulino Monteiro Soares Babo (PD), como relator, pronunciaram-se os Srs. Deputados Pedro dos Mártires da Costa, Maria Fernanda Lay e Natalino dos Santos Nascimento (CNRT), Josefa Álvares Pereira, Manuel de Castro Pereira e Osório Florindo da Conceição Costa (FRETILIN).

O Sr. Deputado Francisco Miranda Branco (FRETILIN), na qualidade de membro da Delegação do Parlamento Nacional na 27.<sup>a</sup> Sessão da Assembleia Parlamentar Paritária da ACP-UE, realizada de 12 a 19 de março de 2014, procedeu à leitura do relatório e, no fim, juntamente com a Sr.<sup>a</sup> Deputada Maria Fernanda Lay (CNRT), respondeu aos Srs. Deputados Albina Marçal Freitas (CNRT), Josefa Álvares Pereira, Angélica da Costa e Eládio Faculto de Jesus (FRETILIN).

Em intervenções diversas, usaram da palavra os Srs. Deputados Paulino Monteiro Soares Babo (PD), Florentina Martins Smith (FRETILIN), António Ximenes (CNRT), Eládio Faculto de Jesus (FRETILIN), Izilda Manuela da Luz Pereira Soares (CNRT), Estanislau da Silva (FRETILIN), Albina Marçal Freitas (CNRT), Olinda Morais (PD), Francisco Miranda Branco (FRETILIN), Virgínia Ana Belo (CNRT) e Manuel Gaspar (FRETILIN).

Por último, a Sr.<sup>a</sup> Secretária de Estado dos Assuntos Parlamentares (Maria Terezinha Viegas) deu informações a questões suscitadas pelos Srs. Deputados. Usaram também da palavra, além daquela Sr.<sup>a</sup> Secretária de Estado, os Srs. Deputados Inácio Freitas Moreira, Estanislau da Silva e Francisco Miranda Branco (FRETILIN).

O Sr. Presidente (Adérito Hugo da Costa) encerrou a sessão eram 11 horas e 48 minutos.

---

**JPN – I SÉRIE – N.º 9 (2014.....)**

**SUMÁRIO**